



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Libellus Sodalitatis: Hoc Est: Christianarum Institutionum  
Libri quinque**

**Coster, Franciscus**

**Antverpiæ, 1587**

8 De iudicio.

[urn:nbn:de:hbz:466:1-46553](#)

tradant, non erit quod coram iudice metuas.  
 Quamobrem prudenter ages, si crebro peccata  
 Sacerdoti confitearis, ne quid restet virtute  
 absolutionis, testimonioque chyrographinon  
 condonatum.

## CAPUT VIII.

## DE IUDICIO.

*2. Cor. 5.  
Rom. 14.*

**O**MNES nos manifestari oportet ante tribunal Christi, ut referat unusquisque propria corporis, prout gessit sive bonum, sive malum. Omnes omnino homines iudicandi sunt a Christo, nemine prorsus excepto: sive diuites illi sint, sive pauperes, Reges, Principes, plebei, ignobiles, omnis aetatis, omnis sexus: quia statutum est omnibus hominibus semel mori, & post hoc, iudicium. Bis autem unicusq. standum est ante tribunal Christi: statim a morte obita, & in communione illo totius orbis iudicio; quod generale iudicium, si sententia ipsam spectes, praeter mercedem, quae corpori dabitur, nihil noui adferet, sed erit confirmatione eorum, quae in particulari singulorum iudicio decreta fuerunt. Quia ex re intelligimus, non minus esse metuendum priuatum hoc iudicium, atque illud universale, quia qualiter inueniet Deus hominem, in suo nouissimo die, talis iudicatus est in mundi nouissimo die. Quam vero sit formidabilis futurus dies ille, primò quidem ex vaticiniis prophetarum intelligere possumus: Ecce (inquit Malachias) veniet, & quis stabit ad videndum eum, & quis poterit cogitare diem

*Mal. 3.*

aduen-

aduentus eius. Deinde nō minus idē declarāt voces sanctissimorū hominum, qui magnum de illo die timorē habuisse videntur. Quid faciā, inquit B. Job, cūm venerit ad iudicandum *Iob 21.*  
 Deus? quasi dicat: hæc vna sollicitudo metinet, vt in die iudicij immunis ab omni damnationis periculo euadā. Et B. Paulus, qui plus *1. Cor. 9.* ceteris omnibus laborauerat, & qui nullius peccati sibi cōscius erat; Castigo, inquit, corpus meū, & in seruitutē redigo, ne forte cūm aliis p̄dicauero, ipse reprobis efficiar. B. Hi- *D. Hiero.*  
*larion,* cūm ab anno aetatis 14. ad extremā se- *nymus in*  
*nectutē, durissimam vitā egisset, tamen in ex-* *vita S. H̄s*  
*tremo vitæ confictu, ita animā suā alloque-* *larionis.*  
**batur;** Egredere, quid times? Egredere anima  
 mea, quid dubitas? septuaginta propè annis  
 seruiuisti Christo, & morē times? Tertiō, ex  
 grauibus pœnis, quibus se multi viri sancti  
 vtriusq. Testamenti, sponte affixerunt, vt hoc  
 terribile Christi iudiciū, salui effugerent. Ve- *Hebr. 13.*  
 teris legis patres plerique lapidati sunt, secti  
 sunt, & circuierunt illi melotis, & pellibus ca-  
 prinis, egentes, angustiati, afflicti, in solitudi-  
 nibus errantes, in speluncis & cauernis terræ,  
 vt meliorem inuenirent resurrectionē. In no-  
 uo autē testamento martyres grauissima sup-  
 plicia passi sunt, & Confessores, Monachi, &  
 Anachoretæ, admirabili victus cultusq. aspe-  
 ritate corpus castigauerunt: alij sub dio in co-  
 lumna erecti multis annis steterunt: alij sum-  
 ma paupertate vitam traduxerunt: alij verbe-  
 iibus, ciliciis, vigiliis, carnē domuerunt, mul-  
 taq.

taq. id genus præstiterunt obstupescēda, vt in hora mortis iudicē sibi inuenirent placatum. Cūm igitur idē sit dominus & iudex omnīū, qui non magis iustus atq. seuerus futurus est his, qui metu seueritatis eius grauissima ista moleſtissimaq. sibi imposuerunt, quām ceteris hominibus omnibus; vehementer metuendū est his, qui nunc ita securē viuunt, voluptatūq. omniū habenas laxant, ne longē aliū in se Christū experiantur, quām in hac tanta securitate, sibi promittunt: qui vt salutarē metū concipiāt, consiliumq. capiant iudicij illius acerbitatē subterfugiendi, poterunt hisce sequentibus meditationibus seriō aliquādo occupare animū. Si enim aliquid est in vita humana magni momenti, & à quo salus nostra dependet, illud est in huius iudicij consideratione positum: quod iudicium decernet cuīq. nostrum locum, vbi per omnē ēternitatem vel optimē iutundissimeq. viuamus, vel pessime miserrimeque moriamur.

CAPUT IX.  
DE PERSONIS IUDICIO  
præsentibus.

**C**ONSIDERANDAE sunt quatuor personæ huic iudicio ad futurę. Primo, anima iudicanda, sola illa secū in conscientia, descriptā ferens totius anteactæ vitæ historiā, quæ sub oculos omnium subiicitur: & quicquid per omnem vitam gestum fuerit, siue bene, siue malè, clarissimè conspicetur.